



Векало ПахІала Тимапига яздина хьалхара кехат

Асия-махкара Тимапи Иийсах тешаш волу цхьа кьонах вара. Цуьнан нана жуьгти яра, ткьа да грекахо вара. ПахІал Далла гІуллакх деш лелачу хенах кхуьнан накьост а, гІоьнча а хилира цунах. *Векало ПахІала Тимапига яздинчу хьалхарчу кехат* тІехь кхо коьрта гІайгІа бу.

Цкъа хьалха, цу кехато Иийсан динан тобанашкахь болчу харцхьехамна духьал дІахьедар до. Жуьгтийн а, кхечу къаьмнийн а эйна йолчу ойланашна тІехь лаьтгаш бара и харц хьехам. И нах тешара, хІара дуьне къилахь хиларх а, къайлахчу хаарехула а, кхачанах цхьайолу хІуманаш цаяарехула а, маре ца яхарехула а, зуда ца ялорехула а бен кІелхьардахаре кхача ца даларх. Иийсах тешачийн тобанехь куьйгалла муха дан дезарх а, Іамал ян езарх а болу хьехамаш а бу цу кехат тІехь язбина. Динан куьйгалхойн а, тобанан гІоьнчийн а амал муха хила еза а дуьйцу яздархочо. Эххар а, Тимапина хьехар до, Дала леррина къобалвинчу Иийсан гІуллакхдархо муха хила веза а, Иийсах тешачийн тайп-тайпанчу тобанех цо жоп дала деза аьлла а.

Дешхьалхе

1 ¹Со, ПахІал, Дала леррина къобалвинчу Иийсан векал ву. Векал хила бакьо суна елла вайн КІелхьардохург волчу Дала а, вайн дегайовхо волчу Дала леррина къобалвинчу Иийсас а. ²ХІара кехат ас яздо хьобга, Тимапига. Делаш а тешна, хьо сан бакьволу кІант санна хилла. Вайн Да волчу Делера а, вайн Веза Эла волчу, Дала леррина къобалвинчу Иийсагара а долу дика а, кьинхетам а, синпаргІато а хуьлда хьуна.

Харцхьехамех лардар

³Доху хьобга, со Македон-махка вьодуш, аса хьайга ма-деххара, Эпа-сехь сацар. Цигарчу цхьаболчу нахана харц хьехамаш бар дехка деза ахь.

^{1:2} Векалийн 16:1.

⁴Къийсаршна тІе бен далош доцу хьалха хиллачех лаьцна туьйранаш дийцар а, хаддаза шайн хьалхалера тайпанаш хьехор а дехка царна. Оцу къийсарша тешарца евзина йолчу Делан Іалашонна тІе ца балабо уьш. ⁵Ценачу даггара, эхь-бехках буьззина, шалхо йоцучу тешаро хуьлуьйту безам бу уьш дІабехкаран Іалашо. ⁶Оцу хьехамашна тІера дІа а бевлла, цхьаберш, даьссачу хабаршкахьа а бирзина, галбевлла. ⁷Товрат-хьехаман Іелам-хьехамчаш хила лаьа царна. Делашь а уьш шаьш а ца кхета я шаьш дуьйцучух я шаьш тешарца хьобхучух.

⁸Ткъа вайна-м хаьа, товрат-хьехамаш дика буйла, нагахь санна уьш лело ма-беззара лелош беллахь. ⁹И товрат-хьехамаш Делан лаамехь волчунна бина бац. Уьш зуламхошна, Іедална муьтІахь боцучарна, Іесачарна, къинош летийначарна, дин доцучарна, Далла гергахь бехбеллачарна, сийсазчарна, шайн да а, нана а, кхидолу адамаш а дойучарна бина бу. ¹⁰Иштта кхин а нахаца лелачарна а, вовшашца хьарам дерг лелочу божаршна а, дохкархьама адамаш лечкьочарна а, харц луьйчарна а, дуй къарбочарна а, нийсачу хьехамашца ца догІуш лелочу массо а хІуманна бина бу и товрат-хьехамаш. ¹¹Сийлахь а, декъала а волчу Дала тешарца соьга схьабеллачу хазачу кхоаца бу и хьехамаш.

Делан диканна хастам бар

¹²Суна ницкъ беллачу вайн Веза Эла волчу, Дала леррина къобалвинчу Иийсана баркаллаш боху ас. Со тешаме а хетта, Шена гІуллакх дан со билгалваьккхина Цо. ¹³Иийса сийсазвеш, Цунах тешарш хьийзош, царна ницкъ беш лелла волчу сох кьинхетам бина Дала, хьалха со ца кхеташ а, Иийсах ца тешаш а хилла дела. ¹⁴Вайн Везачу Эло маьхза луш долу дика суна алссам тІеІаьнна Дала леррина къобалвинчу Иийсаца болчу безамца а, тешамца а цхьаьна. ¹⁵«Дала леррина къобалвина Иийса кху дуьнен чу веана къинош летийнарш кІелхьарбахархьама». И дош бакь а ду, цунах цхьа а тайпана шеко йоцуш теша а деза вай. Къинош летийначарна юкъахь со массарал а хьалхара ву. ¹⁶Цундела ма гечдина суна Дала леррина къобалвинчу Иийсас, Шегахь мел долу доккха собар суна тІехь гайтархьама. Цунах а тешна, хедар доцу дахар тІеобьун болчарна массарна а масална дина ду иза. ¹⁷Хастам а, сийлалла а хуьлда массо а заманашкахь хир волчу а, цкъа а лиьр воцу паччахь волчу а, гуш воцучу а, цхьаь бен воцучу а Далла. Амин.

¹⁸Хьехам бо ас хьуна, сан кІант Тимапи! Хьох лаьцна Делера хиллачу хаамашца а доьзна, иштта весет до ас. Ахьа оцу весеташца, дикачу тІемалочо санна, къовсам латтабойла, ¹⁹хьайн тешар а, сий а лардеш. Цхьаболчара уьш юхатеттинера, цундела церан тешар хІаллакьхилла, бохам баьлча доьхна хинкема санна. ²⁰Ишттачех бу ХІуьманай а, Искандар а.

^{1:13} Векалийн 8:3; 9:4, 5.

Иеса кѡамелаш дан ца дезийла уьш кхетийтархѡама, аса уьш иблисан кара дІабелла.

Иийсах тешначийн тобанащкахъ Иубадат дар

2 ¹Иштта, уггар хѡалха ас доьху хѡьбга Деле доІанаш дар а, дехарш дар а, кхайкхамаш бар а, Далла хастамаш бар а массо а адамашна а, ²паччахъашна а, массо а оалла дечарна а тІера. Иштта доІанаш де, вай ваьш мел хилало суьпа а, оьзда а хуьлуш, иштта тийна а, маьрша а дахар хилийтархѡама. ³ХІунда аьлча вайн КІелхъардохург волчу Далла хѡалха иза дика а, Цунна тамехъ дерг а ду. ⁴Цунна лаѡа массо а адамаш кІелхъардовла а, царна билггал бакъдерг довза а. ⁵Дела цхѡаь бен вац, иштта Далла а, адамашна а юкѡахъ юкѡарло лелош Верг а цхѡаь бен вац. И Стаг Дала леррина Кѡобалвина волу Иийса ву. ⁶Массо а адамийн кѡинойх мах а луш, Шен са дІаделлера Цо. Иштта ду шен заманчохъ Делан безамах лаьцна дина долу и тоьшалла. ⁷Кхечу кѡаьмнашна Иийсах долчу тоьшаллина векал а, хаза кхаь кхайкхорхо а вина сох. Царна бакъдолчу тешарх лаьцна хѡеа дІахІоттийна со. Билггал бакъдерг боху ас, аьшпаш а ца бутту ас.

⁸Цундела суна лаѡа муьлххачу меттехъ а доІанаш божарша дойла. Хѡалаайинчу куьйгашца доІа деш болу уьш цІена а, Далла тешаме а оьгІазе а боцуш, кѡийсамаш ца беш а хила беза. ⁹Иштта зударий а доІа дечу хенахъ хила беза оьзда духар дуьйхина а, эхъ хеташ а, оьзда а. Уьш месаш хаза кечъярца, деших я жовхІарех йина хІуманашца, я беза мах болу духаршца хазбала ца беза. ¹⁰Амма уьш шайн дикачу гІуллакхашца хаза хила беза, Дела лоручу зударшца иза догІуш ма-хиллара. ¹¹Зуда Іемачу хенахъ тийна а, хѡьбхучунна кхоччуш муьтІахъ а хила еза. ¹²Ца магадо ас зуда хѡеамаш беш хилар. Божаршна тІехъ куьйгалла а ца деш, тийна хила еза иза. ¹³ХІунда аьлча Дала хѡалха кхѡьлинарг Адам вара, тІаккха Хѡава яра. ¹⁴Іехавелларг а Адам вацара, ткѡа зудчо, Іеха а елла, зулам динера. ¹⁵Нагахъ санна кхидІа а Делах а тешаш, адамаш а дезаш, цІена а, оьзда а и хилахъ, бер дарца кІелхъарьер ю иза.

Иийсах тешачийн тобанан гІайгІабийриг

3 ¹Нагахъ санна цхѡанна динан куьйгалхо хила дагадеанехъ, цунна дика гІуллакх дан дагадеана. И дош бакъ ду. ²Иийсах тешачийн тобанан гІайгІабийриг цхѡанна а стеган ала хІума доцуш цІена хила веза. Цуьнан цхѡа зуда бен хила ца еза. Кхетаме а, собаре а, оьзда а, безамца хѡеший тІеобьцуш а, динах лаьцна хѡеа хууш а хила веза иза. ³Малар тІехдокхуш, девнаш дохуш хила ца веза. Амма эсала а, машаре а, ахчанна сутара

^{2:7} 2 Тимапига 1:11. ^{2:9} 1 Кипин 3:3. ^{2:13} Доладалар 2:7; Доладалар 2:21, 22. ^{2:14} Доладалар 3:1-6. ^{3:2-7} Тите 1:6-9.

воцуш а хила веза иза. ⁴Шен цІа дика лело а деза цо, шен бераш шена муьтІахъ хила а, нах лара а Іамо деза. ⁵Шен цІа лело а ларош воцург лелар вуй те Иийсах тешначийн Делан долахъ йолчу тобанан гІайгІа беш? ⁶Иийсах тешна дукха хан йоцучу божарех хила ца веза иза, цуьнан даг чу куралла а йѡессина, иблисана санна, иза кхел йина ца хилийтархѡама. ⁷Арахъарчу наха дика тоьшаллаш деш хила а веза иза, шена Ииттарш ца йита а, иблисан гуре ша ца лацийта а.

Динан куьйгалхойн гІѡьнчех лаьцна

⁸Динан куьйгалхойн гІѡьнчий а хила беза хѡанал нах, шалха мотт а боцуш, чагІар малар тІех а ца доккхуш, ахчанах шайна пайда а ца лѡьхуш. ⁹Иийсах тешаран динах довзийтина бакъдерг цІеначу дагца лардан хууш хила беза уьш. ¹⁰Ишттанаш а цкѡа хѡалха зен беза. Цул тІаьхѡа, ала хІума доцуш уьш цІена белахъ, динан куьйгалхошна гІѡ дайта мегар ду цаьрга. ¹¹Царах терра хѡанал а, мотт ца бетташ а, кхетаме а, массо а хІуманна тІехъ тешаме а хила беза церан зударий а. ¹²Динан куьйгалхойн гІѡьнча а цхѡана зудчун майра хила веза. Шен берашна тІехъ а, шен цІа чохъ а дика куьйгалла далуш а хила веза иза. ¹³Далла гІуллакх дика деш болчарна лараме дарж а хир ду, Дала леррина кѡобалвинчу Иийсах тешар шеконаш йоцуш а хир ду церан.

Дала йовзийтина йоккха кѡайле

¹⁴ХІара кехат яздо ас хѡьбга, кестта хѡе волчу ван ойла йолуш. ¹⁵Нагахъ санна со хѡелахъ а, Делан хІусамехъ дан дезарг хѡьбга хайита боху ас. Делан хІусам дийна волчу Делан долахъ йолчу Иийсах тешачийн тобанан гулам бу – билггал бакъдолчун бІогІам а, бух а. ¹⁶Кѡийса ца дезаш, динах йовзийтина кѡайле чІогІа йоккха ю:

Иза адаман дегІехъ гучуваьккхина,
Делан Сино бакъвина,
маликашна Иза гина,
кѡаьмнашна юкѡахъ дІакхайкхийна,
дуьненахъ адамаш Цунах тешна,
сийлаллехъ Иза хѡалаваьккхина.

Харцхѡеахмех лаьцна

4 ¹Делан Сино кхеттош сѡабоху: тІаьхъарчу хенащкахъ цхѡаболу нах Иийсах тешарх юхабевр бу. Адамаш Іехош долчу харцжинашна а, жинийн хѡеамашна а тІаьхъахІуьттур бу уьш. ²Харц а луьйш, шалхо лелочу нахера бу и хѡеамаш. Ткѡа цу нехан эхъ-бехк дайна. ³Зуда маре яхар а, стага зуда ялор а, Дала кхѡьлина йолу цхѡайолу хІуманаш яар а ца магадо шалхо лелочу оцу наха. Иийсах а тешаш, билггал долу бакъдерг девзинчаьрга, Шена хастамаш а бойтуш, яийтархѡама, елла Дала и юург.

⁴ Дала кхоьллинарг дерриг а дика ду. Цхьа а хIума вон дац, Далла хастамаш а беш, иза тIе оьцуш делахь, ⁵ хIунда аьлча Делан дашца а, вайн доIа-нашца а иза Далла хьалха цIанло.

Дала леррина Къобалвинчун дика гIуллакхдархо

⁶ И дерриг а динан вежаршна а хьобхуш, Дала леррина къобалвинчу Ийсан дика гIуллакхдархо хир ву хьох. Вайн динан дешнех а, хьо тIаьхьа-ваьлчачу дикачу хьехамах а вузуш, вехар ву хьо. ⁷ Пайда боцу туйранаш а, даьсса хабарш а дIататта. Мелхо а, хьо суьпа хилийта чIогIа къахьеге деза. ⁸ ХIунда аьлча мелла а пайда хуьлу шен дегI чIагIдархьама къахьегарх, ткъа суьпа хила Iамар массо а агIор пайдехьа ду. Цуьнгахь ю хIинца-лерчу а, хиндолчу а дахарна йина чIагIо. ⁹ И дош бакъ а ду, муьлхачу а агIор тIелаца хьакъ долуш а ду. ¹⁰ Ваьш суьпа хилийтархьама, вай къа-хьобгуш а, болх беш а ду. ХIунда аьлча массо а адамын, къаьсттина Ийсах тешаш болчеран, KIелхьардохург волчу дийначу Делах вай теша.

¹¹ ХIара хьехамаш адамашна дIа а кхайкхабе, хьеха а хьеха. ¹² Цхьа а стаг хьан къоналlex ца вешаш ма хуьлийла. Ийсах тешачарна массарна а хьайх дика масал гайта айхьа дуйцучуьнца, оьзда леларца, безамца, тешам хиларца, дог цIена хиларца. ¹³ Со хьо волчу дIакхаччалц, нахана юкъахь Делан Йозанаш а доьшуш, Делан дош дIа а кхайкхош, нахана хьеха а хьобхуш, дикка хан яккха. ¹⁴ Хьайгахь долу Делан Синан похIма тергам боцуш ма дита. Делера хиллачу хаамца а, динан тобанан тхьамданаша куьйгаш тIедакарца а хьуна делла ду иза. ¹⁵ И гIуллакхаш а деш, яккха хьайн ерриг а хан, хьан кхиамаш массарна а гуш хилийтархьама. ¹⁶ Хьайн лелар а, айхьа беш болу хьехамаш а ларбе. ХIара ас аьлла долу гIуллакхаш даим а де, хIунда аьлча уьш дарца ахьа хьо а KIелхьарвокхур ву, хьайга ладоьгIуш берш а KIелхьарбохур бу.

Ийсах тешаш болчу кхечаьрца муха лела веза

С ¹ Воккхачу стагана Иттарш а ца еш, цунна хьайн дена санна хьехам бе, кегийчарна а, вежаршна санна, хьеха. ² Хьайн ненаца санна, лараме хила баккхийчу зударшца, хьайн йижаршца санна, лараме хила зуда-берашца. Массо а агIор догIена хила цаьрца.

³ Бисина Iаш болу зударий лара — царех билггал бисина Iаш берш боху ас. ⁴ Нагахь санна цхьана йисинчу зудчун бераш делахь, я берийн бераш делахь, уггар хьалха шайн доьзалш лара Iамо беза уьш. Шайн дена а, нанна а оьшург латто а деза цара. Далла хазахетарг ду иза. ⁵ Билггал цхьа йисина Iаш йолу зуда, Делах дегайовхо а йолуш, дийнахь а, буса а доIанаш а деш, сих-сиха Деле гIо доьхуш хуьлу. ⁶ Ткъа шен дегIана там лобху йисина зуда, дийна йоллушехь, елла ю. ⁷ Царна ала хIума ца хилийтархьама, кху хьехамех кхетабе уьш. ⁸ Нагахь цхьаммо шайчеран, къаьсттина шайн цIерачеран, дола деш дацахь, иза динах а ваьлла, Iесачу стагал а оьшуш ву.

⁹ Кхузткъа шарал тIехьяьлла хан а йолуш, цхьана стеган цIарна тIехь бен хилла а йоцуш, хила еза динан тобано дIаязйина йолу йисина зуда. ¹⁰ Шен дикачу гIуллакхашца нахана евзина а елахь, шен бераш а кхиош, хьеший дика тIе а оьцуш, шаьш лахара хьобуьйтуш долу гIуллакхаш Делан нахана а деш, хало хьобгуш болчарна гIо а деш, муьлхха а дика гIуллакх дан а гIерташ елахь, иза дIаязьян тарло.

¹¹ Ткъа къона болуш бисина Iаш болу зударий ма харжа, хIунда аьлча шайн дегIан лаамаш хьалха бевлча, Дала леррина Къобалвинчунна тешаме а ца хуьлуш, царна маре баха лаа тарло. ¹² Иштта леларца шаьш бежкебойту цара, хьалха дина нигат дIатеттина дела. ¹³ Цул совнаха, мукъа хила а, хьошалгIа эха а Iема уьш. Ткъа мукъа хилла а ца Iаш, эладитанаш а дуйцуш, массо а хIуманна юкъа а гIерташ, хьашт мел доцург а дуйцуш, лела уьш. ¹⁴ Цундела лаь суна бисина къона зударий маре гIойла а, цара бераш дойла а. Шайн цIа а лелош, шайна дубьхал волчунна шайх лаьцна вониг ала цхьа а бахьана ца дубтуш, Iан беза уьш. ¹⁵ ХIунда аьлча цхьа-берш хIинцале а иблисана тIаьхьхе харц новкъа бевлла. ¹⁶ Нагахь санна Ийсах тешачу цхьана зудчун доьзалехь йисина зуда елахь, цо кхаба еза иза. Ийсах тешначийн тобанна хало ян ца еза, баккъалла а бисина Iаш болчу зударшна оцу тобанан гIо дан таро хилийтархьама.

¹⁷ Ийсах тешначийн тобанна дика куьйгалла деш болу тхьамданаш шозза а лара хьакъ долуш бу. Хаза кхаь кхайкхорна тIехь а, хьехамаш барна тIехь а къахьобгурш къаьсттина лара беза. ¹⁸ ХIунда аьлча Делан Йозано хIара боху: «Оруш болчу стеран бага дIа ма къовла». Кхин а боху: «Къахьобгург шена догIу алапа схьаэца хьакъ долуш ву». ¹⁹ Динан тобанан тхьамда бежкешар шиь я кхоь теш волуш бен тIе ма лаца. ²⁰ Къинош летийнарш массарна хьалха бежке бе, кхечеран а даг чохь кхерам хилийтархьама.

²¹ Далла а, Цо леррина къобалвинчу Ийсана а, хаьржинчу маликашна а хьалха, дуй а бууш, доьху ас хьобга: хIара хьехамаш ларбе, цхьаьнгге оза-безам а ца беш, цхьаь вукхарал лакхара а ца хеташ. ²² Сихлой, цхьанна а тIе доIанца куьйгаш ма дакха. Кхечара леточу къиношкахь дакъа ма лаца. Хьо-хьо цIеналlex латтаве.

²³ ХIинца чул тIаьхьа, деккъа хи а малий, ма Iе. Хьайн лозучу зорхан дубьхьа а, хьайна сих-сиха хуьлу цамгарш дIаялийта а жимма чагIар мала.

²⁴ Цхьаболчу нехан къинош гуш хуьлу, уьш бежке хиларх массо а кхета кхел а яле. Ткъа цхьаболчеран къинош тIаьхьо бен гучу ца довлу. ²⁵ Иштта дика гIуллакхаш а схьагуш хуьлу, ткъа уьш, гуш дацахь а, къай-лаха а ца дубсу.

^{5:18} Карлабаьккхинарг 25:4; Маттай 10:10; Лака 10:7. ^{5:19} Карлабаьккхинарг 17:6; 19:15.

6 ¹Лоллехъ бохкучу леша а, хьакъ мадду кхоччуш лара беца шайн олахой. И дан деза Делан цЕ а, вайн хьехамаш а емал ца байта. ²Шаьш санна Ийсах тешачу шайна тЕхъ болчу олахойх ца дешаш ма хила. Мелхо а, шайн динан вежарий уьш болу дела, кхин а дика царна гУллакх дан деза цара. Хунда аьлча церан балхах беркат хуьлуьрш царна безаш болу Ийсах тешнарш бу. Иштта хьехамаш а бе, кхета а бе.

Харцхьехамчех а, бакъдолчу хьолах а лаьцна

³Цхьаболчара харц хьехамаш дIасабаржабо. Вайн Веза Эла волчу, Дала леррина къобалвинчу Ийсан хьекъале долчу дешнашна реза ца хуьлу уьш. Ийсах тешарг муха лела веза боху хьехам а тЕ ца оьцу цара. ⁴Иштта-чарна даг чу куралла йоьссина. Царна хIумма а ца хаьа. Къовсабаларан а, дашах лаьцна къийсаме къамелаш даран а цамгар кхетта бу уьш. Иштта-чух долало хьагI хилар, девнаш дахар, вовшашна лер, мекара шеконаш хилар. ⁵Хьекъалх телхинчу нахана юкъахъ хуьлу и къийсарш. Билггал бакъдолчунна гена бу уьш. Динах шайна цхьа са ер ю моьтту царна.

⁶Баккъалла а, суьпа хиларх вайна йоккха са йолу, нагахъ санна вайн долуш долчунна вай реза хилахъ. ⁷Хунда аьлча кху дуьнен чу вай цхьа а хIума ца деана, гуш ду-кх цхьа а хIума кху дуьнен чуьра вайга дIадахьалург ца хилар а. ⁸Юург а, тЕюхург а вешан хилча, тоам бан беца вай. ⁹Шайн хьал совдаккха луурш зуьйш ма бу. Дукха сонтачу а, зуламечу а лаамийн речIано лоцу уьш. Оцу хIуманаша уьш дакъаза а боху, хIаллак а бо. ¹⁰Массо а тайпана вочу хIуманан орам — ахчанна сутара хилар ду. Ахчанна тIаьхьа а бевлла, дукхахберш динах дIабирзира. Цундела шаьш-шайга баккхий баланаш хьоьгуйту цара.

Тимапина бо хьехамаш

¹¹Хьо-м Делан стаг вай, Тимапи. Оцу вочу хIуманех къахкалахъ. Делан лаамехъ хилар, суьпа хилар, тешар, безам, собар, эсала хилар лахалахъ. ¹²Тешарца боьзна болчу дикачу тIамехъ хьуьнарца тIом бе, хедар доцучу дахаран ял хьайна тЕэца гIерта. Цу дахарна Дала хьо тIекхайкхира, дуккха а тешашна хьалха хьайн хаза тоьшалла ахъ дича. ¹³Понти Пулатана хьалха Дала леррина къобалвинчу Ийсах а дира хаза тоьшалла. Цунна хьалха а, массо а хIуманна дахар луш волчу Далла хьалха а ас хьуна хIара тIедуьллу: ¹⁴ала хIума доцущ цIена кхочушбе хIара хьехам, вайн Веза Эла волу, Дала леррина къобалвина Ийса кху дуьнен чу схьаваллалц. ¹⁵Ийса кху дуьнен чу схьавар шен хан тIекхьачча гойтур ду Дала — декъала а, Ша цхьаь бен воцу Нуьцкъалхо а, паччахьийн Паччахъ а, олахойн а Олахо а ву Иза.

¹⁶ И цхьаь бен вац Южалла тIейогIур йоцург. Цхьа а адам тIекхочийла доцучу нуьрехъ Иаш ву Иза. Цхьанна а адамна Иза гина а вац, цхьанна а адамна Иза гойла а дац. Цунна ду сийдар а, абаден олалла а. Амин.

¹⁷Кху заманчохъ хьалдолчарна кура ца хилар тIедилла. Тешаме доцучу церан хьоле сатуьйсучул, Деле сатийса дезарх кхетабе уьш. Хунда аьлча Дала дерриге а шортта ло вайна, вай, хаза а хеташ, дахийтархьама. ¹⁸Хазаниг дар а, дика гIуллакхаш шортта дар а тIедилла царна. Комаьрша хила а, шайн хьал кхечаьрца декъа а хьеха царна. ¹⁹Уьш иштта лелахъ, шайна стигалахъ бахам гулбийр бу цара. Ткъа и бахам хинйолчу заманахъ онда бух хир бу. И бахьана долуш уьш бакъдолчу дахаре кхача тарло.

²⁰Ва Тимапи! Дала хьайга Iалашдан дIаделларг ларде. Iесачу хабарех а, хазачу кхоаца цхьаьна ца догIучу хIуманех а дIаверза. Цхьаболчара уьш «хьекъал» олий лору, амма иза харцдерг ду. ²¹Цхьаберш, оцу хьекъална тIаьхьабовлар бахьана долуш, динан некъах тилабелла.

Делан дика хуьлда шуьца массаьрца а.